



Nunat Aqqinik Aalajangiisartut
sisamannngorneq juunip 7-anni 2012-mi
Oqaasileriffimmi ataatsimiinnerat

Peqataasut.: Carl Christian Olsen, Tukummeq Qaavigaq, Abia Abelsen aamma Lotte Holm.

Peqataannngitsoq: Stephen Heilmann, nuffarliornini pissutigalugu.

Allatsi: Lisathe Møller Kruse

1. Tikilluaqqusineq
2. Imaqarniliap akuerisassatut saqqummiunnera (*maajip 22-anni 2012-mi ataatsimiinnermit imaqarniliaq*)
3. Tunumi nunat aqqi nalunaarsukkat suliarinissaat
4. Taasariaqartut allat



1. pillugu –

Ataatsimiinnerup aallartinnerani Nunat Aqqinik Aalajangiisartunut siulittaasoq CCO tikilluaqqusivoq.

Siulittaasoq Oqaasit pillugit inatsisissap allanngortinnissaa pillugu paasisutissiivoq, ilaasortanullu ilisimatitsissutigalugu Nuka Møller NORNA-p ataatsimiinnerani Askovimi pisussamut peqataajartortoq.

Tunumi nunat aqqi allattaaserlu oqallisutigineqangaatsiarput, franskit tunumiorpaluutit qanoq allanneqartarnerinut tunngasunik suliaat ordbogiliaallu ilanngullugit eqqartorneqarlutik.

2. pillugu –

Maajip 22-anni 2012-mi ataatsimiinnermit imaqarniliaq allannguuteqartilaarlugu akuerineqarpoq.

Allannguutigisai tassaapput kitaamiutut *–kasia* kingullermik ataatsimiinnermi *–gaia*-nik allanneqartassasoq aalajangerneqaraluartoq uani ataatsimiinnermi *–gajia*-nngortinneqarmat.

Imaqarniliami maajip 22-anni ataatsimiinnermit allannguutissat aamma aaqqinneqarput.

3. pillugu –

Tunumi nunat aqqi nalunaarsukkat suliaralugit aallartisarneqarput. Nunalli aqqi ataasiakkaarlugit akuerineqanngillat, aallartinnginnerini oqallisissat pingaarutillit oqallisigineqaqqaarmata.

4. pillugu –

Nunat Aqqinik Aalajangiisartut isumaqatigiissutigivaat juunip 25-anni nal. 10 tulliani ataatsimeeqqikkumaarlutik.

Carl Chr. Olsen
Siulittaasoq

Lisathe M. Kruse
Allatsi